

دائرة مخصوصه

در سعادتده باب عالی جوارنده

محل اداره :

مشرق افکار

اخطار :

مسلكمنزه موافق آثار جديده مع المنويه
قبول اورانوز

درج ايدهنيت آثار اعاده اولتاز

ديده، فلسفه، علوم، حقوق، ادبياتده و سياسياتده و باطخاصه كرك سياسي و كرك اجتماعي و مدني احوال پوشوده اهميه ديه بحث ايدر و هفته ده بر نشر از انوز.

آبونه بدلی

سنه لکی التي آیلنی

ممالك عثمانیه ایچون	۸۰	۴۰	غروش
روسیه	۶۰	۳۰	روبله
سائر ممالك اجنیه	۱۷	۹	فرائق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

قیرله دن مقوا بورو ایله کوندریلیرسه سنوی
۲۰ غروش فضله آلنیر

اوچنچی جلد

۱۷ ذی الحجه ۳۲۷ پنجشنبه ۱۷ کانون اول ۳۲۵

عدد : ۶۹

رأیی صورتی ایدیکز اونی قبول ایتیه جکمی بیلدیرر ایدم . فقط آرتق کوندرمش بولنیورسکیز بونی سزه رد واعاده بی موافق آداب کورمدم (دیه یازمشدم .

ایمدی سزدن نیازم : بومکتوبی (منار) جریده معتبره سیله نشر ایتیکدر . برده ترکیه غزته لر و علی الخصوص (یکی غزته) یه بنم ماینسده بولندیغنی یازدقلری مکتوبک نشر اولغنی مصرانه توصیه و اخطاردر . تا که هرکس اونک طوغری یوقسه اصلی فصلی اولیان رارجوفه می اولدیغنی کلاسین واسلام غزته جیسی کیم اولورسه اولسون هپسک اوزرینه بو طوغری اولیان اتهام واسنادک اورتهدن قالمسینه چالیشمق واجبدر .

اونلرک غیرت اسلامیهلرندن ده بورجامک قبولی امید ایدیورم که تبره دخی تظاهر ایتسین . یوقسه بنم کنج ترکیانک حق وانصافدن اوزاقچه بولندیغنی حقنده کی ظنمده خطا ایتهمش اولورم . باقی احترامات فائقه مک قبولی استرحامی سعادت وسلامتکز تمیائنه تردیف ایلرم اقدم . « هندستان : لاهور - پنجاب »



پارس دن مکتوب :

پارس ۶ کانون اول ۱۳۲۵
بعد السلام . عید سعید فطرک التنجی کونه مصادف اولان تشرین اول رومینک سکزنجی پنجشنبه کونی مسائری ماریتم قومپانیه سینه منسوب نیژر واپوریه درسعادتن حرکت و ایرتسی کونی ساعت طقوز راده لرنده از میره مواصلت اوله رقی اوکون شهرک قوقاریالی وکوزتیه جهتلری وسائر شایان تماشا محللری و ایرتسی کونی ده مسلاک جدیدمه تعلق اعتباریه محاکم عدلیه زیارت اولندی . وقوع بولان مشاهدات نتیجه سنده اهالی بلده نک ارباب تجارتدن اولدیغی وشهرده بر فعالیت تجاریه نک موجودیتی اکلشلمش ایسه ده محلی تجارت محکمه سنی زیارتده جالب دقم اولان لیسته ده طرفینک کاملاً ... اوله رقی کوسترلمسی ... لک خصوصات تجاریه ده پک ایلر ولیه مدکلرینی یاخود وقوع بولان مناسبات تجاریه لرنده حیل و یا تقصیر کی برشی ارتکابنه تنزل ایتیموب کمال استقامت ایله ایفای معامله ایتیکده اولدقلرینی و بناء علیه محکمه جه موجب حل مسأله احداث ایتدکلرینی افهام ایدوب بویکی شقندن هانکیسینک واقعه مطابقی آکلاشلمق اوزره یمش بازاریه بدستان وجواری زیارت اولمش ایسه ده حل مسأله اولنه میوب آنجق از میر جنایت محکمه سیله بدایت واستیناف جنحه محکملری لیسته لرینک اتنای تدقیقنده ارباب جنایتک علی الا کثر ... اولدیغی کورولنجه کیفیت جداً تأثرمی موجب ومسأله نک ده حلنی مستلزم اولدی .

... لک عناصر سائر افرادینک تعمیم معارف امرنده کی مساعی خصوصیه لرینه رغما هر شیشی حکومتدن بکلیه رک و (العلم فریضة) علی کل مسلم ... حدیث نبویسی کی بر امر بولندیغنی حالده وادی جهالتده بویان اوله رقی دینلرینی آکلایه مدقلری جهته سعادت اخرویه به مظهریتلرینی متعسر ایلدکلری کی سعادت دنیویه دن ده بی بهره قالب ثروت

عمومیه لری متناقض وطولایسیله اعتبار ذاتیلری منکسر اوله رقی تجارت ایله اشتغال شویله طورسون هریرده خدمات خسیسه ده قوللانغه باشلانمش وایچلرندن برچوقلرینک سن صباوتلرنده کی صورت تربیه لرینه کوره عطالت ایچنده امرار حیاته آکلاشلمدن ناشی علوجناب ، استقامت ، کرم و غایت کی اوصاف عالیهدن تجرد و محیطک تأثیراتنه تبعیت وقبح جهته معطوف اولان استعدادلرینی اظهار ایله اعمال مذمومه ومقدوحه ارتکابنه مباشرت ایتش اولدقلرینی وعنصر مهمک شو حال پریشانی اجتماعیلرینی کورمیان یاخود کوروبده کمال دانستلرندن ناشی تدابیرسنه مراجعت ایتیمان ظلمه نک قربان غفلتی بولندقلرینی آکلادم ؛ اودرجه غریق بحر تفکرات اولمشم که واپورک حرکتی آکلایه مدم . نه دن صکره واپورک از میر کورفرزنده سیر ایتیکده اولدیغنی آکلایجه هان المده کی دورین ایل اطراف واکنافه عطف نظر ایتدمسده هریرک قوراق وال دکه مش محللردن اولدیغنی وبوباده افراد ایله حکومتک وظیفه مودوعه لرینی ایفاده تعلل کوسترمش وکوسترمکده بولمش اولدقلرینی آکلایجه یه تأثرم عودت ایلدی . اووادیلره شمندوفر والکتریقلی تراموای وسائر کی وسائط حاضره مدنیه انشا ایدیلوبده ثروت مملکتک ترایدینه وطولایسیله حائز اکثریت اولان عنصر اسلامک ماده ومعنا ترقیسی اسبابنک استکمالنه سعی وغیرت ایدلسه فنامی اولور دیو دوشونمکده ایکن بویکی وسائط نقلیه نک هان انشاسی لزومک دین ودولته پک بیوک بر خدمت اولدیغنه وبوخصوصده اضاعه ایدیله جک و قتمز اولدیغنه وعکس تقدیرنده اخلافک برلری تعیب ایده جکنه قناعت حاصل ایتدکن وخالک پاک وطنه بر بوسه وداع اتحاف ایلدکن صکره آطه لر دکزینه داخل وایرتسی بازار کونی علی السحر پیره واصل اولدی .

هان ساحله حیقله رقی پیره ایل آتیه آره سنده آمدشد ایدن وقوه الکتریقیه ایله سیر وحرکت ایلین ترنله آتیه به عزیمت ایلدم . تالیسلره ، صولونلره ، سوقراطلره ، پلاتونلره مقرر حکومت اولمش بولنان آتیه آقره پولیسره ، پارتونلر لطافت معماریه لری بقایاسیله اعلان عظمت واحتشام ایتیکده ایدی . عربلرک (مدینه الحکما) دیدکلری بوبلده دلارانک شمیدیکی حالیه ده اظلالندن استدلال اولنان معموریت سابقه سی آره سنده بر مقایسه یابله جق اولسه او آباء تاریخیه به نسبتله ابنای حاضره یونانیه وارث کالات قد مادکل ایتش کی تلقی اولغسه سزادر . هر دوت سنه ده بردفعه اقوام موجوده سپور مراقیلرینه لعبتگاه اولان (استاد) نامنده کی محل ایله تامیل دوزوپیتر ، آتیه آقاده میاسی ، دارالفنونی تماشا اولندقدن صکره محلی موزه سنه شتابان اولدم . اوراده کی آثار قدیمه تاریخیه ایله فرعون وسائر نک مومیالری ومیتولوژی دورینه عائد ایلهرک هیاکل جالب دقت وحیرتم اولدی . اودرجه ده کی ادوار اولین انسانیه بتون موجودیتله تجسم ایتدی هان عظمت الهیه بی دوشونه رک وظیفه تحمیدی ایفا ایلدم . شاعرک :

حب سوادن میلی کس ، دنیاده قالماز هیچ کس ، الله بس باقی هوس سوزی وارد خاطر اولنجه نه کی تفکراته جلوه کاه اولدیغنی

تصویر ایده‌م . و قتم مساعد اولسه ایدی پارتئون ، اوده ختیون ، هرودتیا ترسی ، معبد ظفر موثر تپه سی و سوقراطک محبسی بقیاتی ده زیارت ایده جک ایدیه سده واپورک وقت حرکتی اولان ظهر دن اول واپورده بولمق اوزره همان عودت ایلدم .

واپور مصلی کونی اقشامی ناپولی به موصلت ایدنجه وقتک کیجه اولسنه رغم اساحله چیه رق شهرک بعض محللرینی زیارت ایلده مسده فرانسزجه به آشنا بر رهبر تصادف ایده مدیکمدن بر آزمشکلاته تصادف ایلدم . مع هذا شهرک اسکی ویکی قسملرینی غلری دینلن محلی وقراله مخصوص سرایی بلدی دأثره سنی زیارت ایتدکدن صکره واپور دن چیقدیغ زمان تصادف ایلدیکم اهالیکن کثرتی زائل اولنجه اسبابی صوردم . ایتالیانلرک شرقیلرکی کیجه لری بک زیاده اوطور مامقده اولدقلرینی وبعدا الطعام یرلی یرینه چکیلرک استراحت کزین اوله رق شو خصوص صده اولسون فرانسزله شیه بولمقلرینی آکلادم .

ماتابان برونی آچقلرنده وایونیه دن دکزیه مسینا بوغازنده تصادف ایدیلن فورطنه نك ، مارسیلیا کورفزدن چیقوب اسپانیانک شرقیه قورسیقه و ساردونیا آطه لرینک وایتالیانک سواحل غربیه سنی هرج و مرج ایدن وسنه نك مواسم اربعه سنده دائمی اولان مشهور (مایشرال) جریانی سبیلله برقات دها آرته جغندن اندیشه ناك اولدقسه ده قبودانک واپوری بونیفاجیو بوغازندن امرار ایتیموب قورسیقه نك شمالندن طولاشدیرمسی فورطنه دن آزمتاثر اولمقلغمز مبادی اولدی . ونهایت مع السلامه پنچشنبه کونی اقشام اوزری مارسیلیا به موصلت اولندی .

اواقشام استراحتدن صکره ایرتسی کونی شهرک شایان تماشا اولان مواقعی زیارت ایچون علی السحر زقافه چیقارق اولا پارسده بیله امثاله تصادف ایدیلن مشهور (لونغ شان) سراینه شتابان اولدم . اشبو سرای بالجله حیوانات اهلیه ووحشیه یی حاوی بر حیوانات باغچه سندن باشقه رسم وتاریخ طبیعی موزملرینی محتویدرکه حقیقه محیر العقولدر . آرسلان و قیلانه قدر بالجله حیوانات رأی العین کورلمکده اولدینی کبی تاریخ طبیعی موزه سنده بونلرک اسکلتلری ایله صنایع لری موجود بولندیغندن کرک مکاتب طلبه سنک کرک اهالیکنک استفاده لرینی تأمینه مدار اولیور . قیوجی طرفندن افاده ایدلرکنه کوره طلبه مرقومه نك معلملری ایله برلکده هر هفته موزه به کلرک توسیغ معلومات ایتیمکده اولدقلری اکلانشلمشدر . بوکی موزه لراک زیاده محتاج اولدیغمز مبانیدندر ظن ایدرم . سرایک جبهه سنده کی قاسقاتلر ایله هیاکلی جالب دقتدر .

بعده ایمپراطور یجه الیزابتک بحر سفید ساحلنده اقامته مخصوص اولوب بالاخره مکتب طیه اتخاذ ایدیلن سرایی زیارت ایلدکدن صکره محاکم محلیه یی زیارت ایتیمک اوزره رفقای عاجزی ایله اورایه شتابان اولدم . محاکم مزبور مدعی عمومیسسی طرفندن ویریلن امره بناء مستخدمیندن بری بزه رهبرلک ایدرک محکمه صالونلری ایله مذاکره اوطه لرینی و حکامک انشای محاکمه تلبس ایتیمکده اولدقلری

قیرمزی بشلرک تعلیق ایدلرکی طولابلرک موضوع بولندینی اوطه یی ومستقطقلره عائد اوطه لری ومدعی عمومیلک دأثره سنی ومحکمه نزدنده کی توقیفخانه یی کوستردکدن صکره اعلامات حقوقیه وجزاییه اجرا دأثره لرینی زیارت ایتدیردی . اعلامات غایت بسیط اولدینی کبی منتظم دخی طوثلقدده در . اعلامات حقوقیه اجرا دأثره سنده مارسیلیا محکمه سنک تحت اداره سنده اولان بلاد داخلنده متولد کسانک نفوس تذکره لرینک برر صورتنک موجود اولدینی کورنجه سببی صورهرق بلدی دأثره لرینده کی نفوس تذکره لرینک ضیاعی حالنده مراجعت وقوع بوله بیله جکندن تذکره مزبوره صورتلرینک دواثر مشارالیه طرفندن محکمه به ارسال اولمقده وبوکا علاوه ازدواج مدتی مقاوله لری صورتلرینکده کوندلریمکده اولدینی اکلانشلدی .

وقوع بولان استیضاحه جواباً بدایت محکمه سی رئیس ایله مدعی عمومیسنک سنوی اون بیک ورئیس ثانینک یدی بیک واعضالرک آلتی بیک ومدعی عمومی معاوننک بش بیک فرائق معاشلری اولدینی و مایس افرنجی ابتداسندن تشرین اول افرنجینک اون بشنه قدر ممتد اولان یاز موسمه مصادف ایامده صباحلین آلافرانقه ساعت طقوزده وسنه نك دیکر قسمنده بعدالظهر آلافرانقه ساعت اوچده محاکمه بدو ومباشرت ایدیلرک ختام محاکمه قدر اشتغال ایدلرکده اولدینی رهبر مز طرفندن اتیان ایدلدی .

عدلیه دأثره سندن مفارقتدن مقدم محاکم هرطرفی کز مکملکمز خصوصنده مستخدمیندن برینی رفاقتمز تعیین ایلسندن طولای بدایت مدعی عمومیسنه وظیفه تشکری ایفا ایچون ملاقی اولدیغمزده مومالیه مسائل حقوقیه نك اهمیتندن بحث ایله بوخصوصده ملل واقوامک یکدیگرندن استعانه ایتیمکده اولدقلرینی وعثمانیلر طرفندن فرانسه به برهیئت عدلیه اعزام ایله قوانین غربیه به وقوف پیداسی حقنده ابراز اولنان آرزویه مقابل بعضاً فرانسه محاکمی طرفندن دیپلوماسی طریقله بعض مسائل معضله نك حلی ضمننده حکومتمز مراجعت ایدلرکده اولدینی سویلدی . اشبو مسائلک وراثته متعلق خصوصاتدن اولدینی وفتواخانه عالیده بعدالتدقیق فرانسه حکومتیه بیلدیریلن مواددن بولندینی محتاج ایضاح دکلددر .

مومالیهک افادات واقعه سی موجب ممنونیتیم اولدی . چونکه کندیلرینی محیی مدنیت بیان فرانسزلرک بوخصوصاتده اولسون اظهار عجز ایله بزلره وقوع بولان مراجعتلرندن طولای عموممز راجع اولان شرفی حاصل ایتدیرن شهسز دین مین احمدیدر . اوپله بر دین که احکام منیفه سی اشبو یکرمنجی عصرده بیله کندیسنه تبعیت ایدنلرک سعادتتی تأمینه کافلددر . اوپله بر دین که کندیسندن اجتهاد ایدن فقهایی عظام رحهم الله تعالی حضرتانک سعی واهتماملری آکلانشیلان احکام دنیویه دن بعضلرینک بوکی احکامه مقابل اولمق اوزره روما مدنیتی ایله قوانین ومؤسساتنه توارث ایدن فرانسز وانکلز و آلمان و آمریقالر طرفندن موضوع قوانین وعادته نسبه دها زیاده موافق عقل وحکمت وعدالت اولدینی اثبات ایله ادعای

لوندردن :

لوندردنه مسلمانلر

هندستان معتبران اسلامیه سندن بعض ذواتك مقام خلافت علیایی زیارت ایدم جگه کبری حقنیده اخیراً معتبر (صبحاح) ده او قودیم بر روایت سزه شو سطرلری ارسال ایچون وسیله اولدی . انکلتزمیه ایلك ورودم سنه سی اولان ۱۸۹۴ ده لوندردنه « انجمن اسلام » نامیه بر جمعیت موجود ایدی . اکثر اعضایی هندستان قطعه سندن کلن طلبه مسلمیندن مرکب اولمق وینه اونام ایله هندستان انکلیزینك بعض جهتلرنده موجود جمعیتك بر شعبه سی بولمق اوزره احداث اولنان بو انجمن اساساً بوندن ۲۳ سنه مقدم یعنی ۱۸۸۶ تاریخ میلادیسندن تشکیل ایتشدن . ایوم « مسلمان جمعیتی » نامیه یاد ایدیلن بو هیئت مسلمنه بر آراق خلی نفوذ کسب ایتیش واداره زائله نك معاینی بیلیمکه برابر امور شرقیه نك بحرانلی زمانلرنده دولت عثمانیه ایله جانب طرفدن بعض حقسز هجوملردخی وقوع بوله بیلیدیکنی کوره نك مملکتتمیزی غریبونه قارشی خلی مدافعه ایلشدی . حتی مشهور (دهیلی نیوز) غزته سی پک شدتله ترکیا علیهنده بولندیغنی صره لرده انجمن اسلامی سلطان سابقك پاره سیله ارائه موجودیت ایدن بر هیئت صورتنده کوسترمک ایسته مش ایدی که بوده صرف بر ذهاب سخیفدن عبارت ایدی . انجمن اسلامك طلبه شرقیه نك واسباب معیشتی محدود سائر مسلمانلرک دیشندن طیرناقدن آرتیره رق طویلايه کلدکری اعانات ایله ادامه موجودیت ایلش اولدیغنی پک ایی بیلورم . لوندردنکی جمعیت اسلامیه نك الك زیاده ترویج منافعه چالیشدیغنی واک آز روی مودت کوردیکی بر حکومت وار ایسه اوده حکومت عثمانیه در . عقد نکاح کبی ویا دفن اموات کبی حادثات حیات بشرده ، ترتیب صلاة عید کبی وظائف دینه ایفا سنده و سیاسی پروتستو اجتماعلری استحضاری کبی مشرق اسلامك وعلی الخصوص عثمانینك مدافعه سی امرنده لوندردن جمعیت اسلامیه نك کوستره کلدیکی غیرتلی یالکیز تقدیره دکل حتی فعلاً تشویقه سزاحرکات خیره دندر مشروطیتك عثمانیه لره بخش ایلدی حریث سبیلله مسلمان جمعیتی خلافت اسلامیه مقامنه عقد رابطه ایچون دهها زیاده فرصت بولمق امنیه سنده در . مبعوثان عثمانیه دن بر هیئت مسافره نك کچن یاز لوندردنه بولندیغنی صره ده بوجعیتك دخی بر لازمه مهماننوازی ابراز ایلسنه بوراده ذکرندن اجتنابه لزوم حس ایلدیکم بعض موانع احداث اولنسی اعضای جمعیتی پک زیاده مغبر الحاطر ایلشدن .

لوندردن جمعیت اسلامیه سی توسیع نفوذ آرزوسنی استحصال خصوصنده اوتندن بری پک چوق موانعه مصادف اولمشدر . مع مافیه بقای موجودیتنه موفق اولوب کیتمکده در . هندك الك معروف فضلالی رجال حکومتدن اولوب برایکی سنه دنبری هندستان نظارتنك مجلس اداره سنده مسلم اعضا صفیه لوندردنه بولنش اولان سید حسین بلکرامی جمعیتك ریاستنی قبول ایلشیدی . فقط خلی مسن اولان بو ذات انکلتزمه نك اونملی و سورکلی قیشنه تحمل ایدم دیکندن اخیراً

رجانیت ایدیور . از جمله اعمالك عقدی بزده صحیح اولدیغنی حالده فرانسه قانون مدنیسی طرفندن عدم جوازینه حکم اولنوب همه حال آخرك وکالتی لاحق اولمق صورتیه صحیح اوله جنی قبول ایلشدن . بوجعتك آلمانلرده بیه احکام اسلامیه کبی قبول ایلدی فرانسه اولنسی اعتباریه حسیات رقابتکارانه یی مستلزم اولسندن ناشی اوله حق که قانون مدنی معلمی طرفندن درس اثناسنده اعمالك اشبو حقوقدن محروم بر اقلنسی لزومك پکده موافق اولدیغنی اتیان ایلشدن .

اخیراً معلم مومالیه طرفندن خانه سنده شرفزه کشیده ایدیان چای ضیافتده احکام قانونیه مرتصریح ایدیلنجه کنديسنك موجب عنونیتی اولدی . بوکی خصوصی ملاقاتلرده بر وسیله اتخاذ ایله احکام اسلامیه نك علویتندن بحث ایتک مادی و معنوی فائده مزی مستلزم اوله جفنده شبهه یوقدر .

صده کلنجه : مارسیلیاده برکیجه قالدقندن صکره پارسه متوجهاً حرکت وپارس حقوق فاکولته سنك یوم کشادینه قدر شهری طولاشمق موجب فائده اوله جفنه قناعت حاصل ایلدیکدن پارسك مبانی مشهوره سنی زیارت ایلدم آنجیق ناپولیونك مزارینی محتوی اولان متقاعدین عسکریه سراینك بر قسمی انشای محارباتده ضبط ایدیلن طوب و بایراق کبی شیلرک شهرینه تخصیص ایلدش اولوب سرای مذکور ایله زیارتده سلطان مصطفای ثالث زماننده اصاغه ایدیلوب ظنمه کوره ناپولیونك مصر سفری اثناسنده ضبط اولنان طوبلر مزی کورنجه متأثر اولدیغم کبی کله توحیدی حاوی اولان اسکی علملر مژدن طولایده مایوس اولدم . کوکم جهان اسلامك دائماً مظفر اولنسی آرزو ایلدیکندن مغلویتنی ناطق علاماتی کورمک ایستیموردم . مع هذا اوائل اسلامده حضرت رسول اکرم [ص ع] افندمک نصایح پیامبران لری دگیوب بر مغلویتنه گرفتار اولان صحابه نك حالی دوشونه نك بونک دخی تجلیات الهیه دن اولدیغنه ورضادن بشقه یاپیله حق برشی بولندیغنه قناعت حاصل ایدرک متسلی اولدم .

نهایت تشرین ثانی افرنجینك اون بشنجی کونی پارسك حقوق فاکولته سنه دوام ایتکه باشلادق . طوغریدن طوغرییه دوقتورا درس لری تعقیب ایتک ممکن ایکن — چونکه عثمانلی حقوق مکتبی شهادتنامه سی لیسانسیه شهادتنامه سی کبی قبول ایلدیکده اولدیغندن دوقتورا صنفلرینه دوامه مساعده اولنیور — لیسانسیه قسمنده روما حقوقی ، فرانسه قانون مدنیسی فرانسه تاریخ حقوقی ، حقوق اساسیه ، علم اقتصاد تدریس ایلدیکده اولدیغندن و بولر ایسه مجهولز بولندیغندن شمذیک لیسانسیه برنجی سنه سنه دوامه باشلادق .

ظن ایدرم که سوزلرم موجب صداع اولغه باشلادی ، آنکچون بوراده کسمکه مجبور اولیورم . باقی سلام وسلامت ...

**